

perniciosum esse contra leges receptas disputare?  
 Resp. esse tamen boni civis, magistratui  
 vitium indicare. (2) de remediis desperandum,  
 ac gangrenam intactam potius relinquendam,  
 quam medicamentis morbum irritandum. Resp.  
 magistratus esse, Sapientum consilia eti-  
 am super difficili sanatione exquirere, e-  
 xitum Deo committere, cum præsertim  
 multo incurabiliora emendationem rece-  
 perint. (3) libros Triboniani ob controversias non  
 rejiciendos, alias & contemnendam fore Philo-  
 sophiam, Medicinam & Theologiam, in qua plu-  
 res & nocentiores sint dissensiones. Resp. quod  
 Justinianus in veterum libros tentavit, id  
 non injuria in suos exerceri. Deinde ali-  
 bi contentiones versari in rebus ad usum  
 spectantibus, hic in intellectu sermonis  
 Græco-latini: alias disputationes in argu-  
 mento integro versari, nostras inter tot  
 frustra & schedas, maximam partem, con-  
 jecturis niti. In Theologia necesse esse, ut  
 hæreses sint, ut vero in legum studio ne-  
 cessario sint contentiones, expressam Dei  
 voluntatem non esse.

Cap. 17. ostendit, Regnum Gallie ante rece-  
 ptas leges Justiniani per DCCC. annos floruisse  
 non minore justitia & immane quantum paucio-  
 ribus litibus, quæ fere ex multitudine le-  
 gum enascantur, cum de quaque contro-  
 ver-